

道門科範大全集卷之二十九

傍三

三洞經錄弟子仲勵修

析嗣大醮儀

散壇行道

法事性壇如式

各禮師存念如法

宣衛靈呪

五星列照 煥明五方 水星却災 木德致昌

熒惑消禍 大白辟兵 鎮星四據 家園利亨

名利玉簡 字錄帝房 乘飈散景 飛騰太空

出入冥無 遊宴十方 五雲淨蓋 招神攝風

役使萬靈 上衛仙翁 和與道合真

鳴法鼓二十四通

無上三天玄元始三炁太上道君太上老君

召出_臣身中三五功曹左右官使者左右捧

香驛龍騎吏侍香金童傳言散花玉女五帝

直符直日香官各三十六人出出者嚴裝顯

服冠帶垂纓闕啓玄壇土地方域神真_臣今

設醮行道謹奏為入意其諸忱悃已錄告聞

願得

太上十方至真道炁靈寶瑞光下降流入_臣

身中今_臣所啓速達徑御

至真無極大道

昊天玉皇上帝御前

請稱法位

具位_臣某與臨壇官眾謹同誠上啓

虛无自然元始天尊玉皇大道靈寶天尊萬

天教主道德天尊昊天至尊玉皇上帝勾陳

星宮天皇帝中天星主紫微大帝承天效

法后土皇地祇神霄真王長生大帝東極青

玄上帝九天應元雷聲普化天尊九天雷祖

大帝上清紫微碧玉宮太一天帝六天洞

淵大帝六波天主帝君九天好生可韓司文

人天尊九天採訪應元係運真君九天上帝

三十二天上帝五老上帝東華木公道君西

靈金母元君日宮太陽帝君月府太陰皇君

五方五德星君二十八宿星君北斗七元上

道真君南斗六司上生真君五福十神太一

真君上清四餘四曜星君天曹諸司真君三

元三官大帝泰玄樞機三省諸相天君玄中

大法師真君三天大法師真君北極法主四

聖真君上清雷霆院使真君雷霆九司列職

真君九天注生監生真君九天司祿梓潼帝

君九天衛房聖母元君本靖諸省府院司經

錄法部主宰真君三天門下三元真君上章

詞表靈官五嶽聖帝洞天福地靖廬治化仙

官本靖祖玄真師列位真人經籍度列位真

人北陰鄧都大帝扶桑丹林大帝三河四瀆

五湖四海龍王名山大川真宰九天金闕玉

闕靈濟洪恩二位真君風雲雷雨部威烈聖

眾城隍里社廟貌一切真靈_臣聞龍漢玉曆

明垂開劫之功靈寶洞章密著祈男之品以

今某屢陳丹懇欲厚人倫瓊席瑤壇肅整傾

心之仰雲車風馬竚因飛步之游散禱祭以

薦誠保克闕而襲慶伏願空浮五色俱離劫

仞之臺輔翼萬仙克享蘋蘩之薦曲流恩德

溥福堪輿_臣與眾官等無任皈依之至再拜

望雲奉迎大駕

降聖 初獻 散花

臣某謹同誠上啓

虛無自然元始天尊上清真境靈寶天尊太清仙境道德天尊昊天至尊玉皇上帝三界應感一切威靈臣聞大道者冥真靈肇布玄元始氣開闢於億劫之初日月星辰高列於萬天之上五分主宰共濟生民臣懇官臣念以

子息不禁憂懼在念謂生非汝有乃天地之委形而物以道生籍陰陽之和氣載錫吉且交薦明誠望鶴駕以凝情想瓊輪而注目伏願仙靈下盼列聖迴光六甲三元各運係胎之節億乘萬騎周扶度命之章享以明馨庶臻蕃衍臣叨依真教獲預闕行爰有詞誠謹當宣奏

宣詞

諦詳詞語備見至誠念人為萬物之靈不靈則無以異於物子者親之後非後則無以繼其親用傾聲疊之誠仰濟高高之聽伏願蒼穹降佑帝祚無疆后妃符種稔之祥媒官顯弓矢之異皇儲錫羨玉牒增光君臣胥慶於明良東夏共遵於文軌上以廣慕蕭四海之澤下以盡天保歸美之誠然後福及醜官澤

流後裔格于天而格于帝敢徵四世之五公拜乎後而拜乎前庶或一門之萬石仰祈真造俯鑒精衷臣與醜官等無任祈懇激切之至再拜上香酒陳臣獻

散花

臣聞元綱流演布三景於天根造化樞機統萬靈於斗柄分五行而迷運幹四序以順成十一曜星紀災祥於曆筭四七列象注壽夭於胎禽顧惟陰陽之司應用竭精衷而有禱伏念其保姓受氏積有歲年侍膳問安本傳臣家嫡載陳瀾潔希降仙靈伏願泰階平而風雨時火星中而寒暑正三百六十五度四分之一並無爽於歲時萬有一千五百二十之星悉罔愆於宙伏然後享其誠意注上南宮傳幹盡以相承保鳴謙而獲吉長庚入夢願符太白之精箕尾乘天庶協商巖之祝臣與合壇眾等無任祈恩請命之至酒陳終獻

散花

臣謹重誠上啓
諸天上帝十極高真咸望洪慈洞回昭格臣

聞嶽峙海澄諒無文而不度喙鳴口語皆在地以成形儲祥蓋本於山川生物遂成於造化關東出相既有賴於風聲惟岳降神理亦資於和氣或汝穎之多士或巴蜀之好文允屬地靈虔依道蔭醜官某胎嬰病注子嗣不

繁慮家訟之牽連或土工之刑剋迺陳法供冀格上真伏願江漢炳靈山澤通氣察丹誠於縷縷歆菲薦於潢汙海不揚波有既陟之九澤坤厚載物無皆震之三川普度幽明俱蒙惠澤赦其罪咎錫以後昆禮樂書數則興臣盛於一門地水火風則保和於四大漢臣官學照鄉社以彌光晉輔子孫並淮流而不絕臣與齋官無任祈恩激切之至再拜上香湯獻上

步虛

重稱法位

具位臣某與臨壇官眾謹同誠上啓
玉清玉帝元始天尊上清上帝靈寶天尊太清大帝道德天尊昊天至尊玉皇上帝諸天諸地諸水諸山三界應感一切真靈臣聞齋

道門科範大全集卷之二十九

修行道教雖准於六時玄酒大羹禮必周於
三獻顧惟塵穢縻瀆天聰菲為類繁稽停儀
衛伏念_臣等學法未備犯科滋多舉措乖儀
詞章脫略動罹罪咎乞赦原惟冀
上界高真各還瑤闕下方列聖盡返仙曹降

福流恩解災度厄諸天復位寂遺響於條歛
之間太極候烟係胎氣於延生之府_臣等凝
瞻法從結想太空極恨塵波難留聖躅_臣與
齋官合壇眾等無任瞻望拜首天階奉辭
聖駕激切攀戀之至謹言

復爐

香官使者左右龍虎君侍香諸靈官當令_臣
向來設醮之所自然生金液丹碧芝英百靈
眾真交會在此香火爐前當願十方仙童玉
女接待蘭烟傳_臣向來所啓之誠速達徑御
至真無極大道
昊天玉皇上帝_{御前}

道門科範大全集卷之三十_{三十一} 傍四

三洞經錄 弟子仲勵編

誓火穰災說戒儀

法事陞壇如式

念淨天地呪

洒水 序立

高功臨案說戒

具位_臣某等謹焚道香德香無為清靜自然
真香虔誠奏啓

虛无自然元始天尊太上道君太上老君昊
天王皇上帝九皇至尊十方上聖諸君丈人

三十六部尊經玄中大法師圓穹上象火德
焚惑星君鸞火鸞首鸞尾之火雍秦周洛楚

荆之分列宿星君厚地洞宮嶽瀆主宰三界
應感一切真靈咸望洪慈俯垂洞鑒_臣今奉

為宣意其諸情悃已對敷宣諒沐

天恩鑒明祀事_臣伏以夫南方火德焚惑星

君主掌萬物燭幽洞微福善禍淫助天行化

政之前代效驗灼然按前漢天文志云焚惑

出則大兵入則兵散還止息乃為死喪寇亂

在其野亡地以戰則不勝孝景四年七月癸
未入東井行陰道又以九月癸未入與鬼戍
寅日出占之曰為誅伐火災其後有粟氏事
未夫東關災元鼎中守南斗占之曰所守為
亂賊喪兵其國絕祀南斗越分野其後相殺
王及太后漢兵誅之滅其國前漢熒惑示現
凡十七八莫非凶亂之起也後漢中元二年
火星犯太微西南星為將相後太尉司徒坐
事免官永平十三年犯與鬼為大喪質星為
大臣誅戮後楚王英顏忠等妖謀事覺而死
後漢熒惑示現凡二十餘莫非禍災之至也
降自晉宋隋唐五代之間不可備錄此於行
度之間變起在國者如此按五星明體經云
熒惑照人命壽促貧窮順於命壽至五旬刑
剋妻男多有障難照於疾厄刑折風勞逆在
運官行年必死此於照臨之位災應在人者
如此至於祝融回祿變現人世火自天降名
之曰災因世人之罪惡貫盈則遭其禍秦起
阿房宮覆壓三百餘里五步一樓十步一閣
取之盡錙銖而用之如泥沙楚人一炬火三